

Dados relatados 05 Maio 2020

SUMÁRIO

- Loron 5 Maiu observa nuudar Loron Mundiál ba Ijiene Liman ne'e celebra tin-tinan iha loron 5 Maiu ho objetivu atu mobiliza ema hotu iha mundu atu haforsa liután ijiene liman iha facilidade saúde, nunez proteje pesoál saúde no paciente sira hosi infesaun. Tema ba tinan ida ne'e maka "SALVA MORIS: Fase ita-nia liman" no ida ne'e aliña ho Tinan ba Enfermeiru no Parteira sira, ne'ebé maka dedika tinan ida ne'e hodi rekoñese enfermeiru no parteira sira nia papél importante iha kuidadu saúde hodi prevene infesaun no sira-nia papél nuudar pesoál liña-oin ne'ebé serve duni hetan apresiasaun.
- MS no HNGV servisu hamutuk ho OMS no parseiru sira seluk – UNICEF, St John of God, JSI, Marie Stopes, Asosiasaun Parteira Timor-Leste no CVTL – hahú kampaña ba fulan ida tomak kona-ba ijiene liman hodi komemora Loron Mundiál ba Ijiene Liman, 5 Maiu. Parseiru sira konkorda ho objetivu advokasia no mós materiais sira ne'ebé sei utiliza durante kampaña ne'e. Objetivu prinsipál hosi kampaña Globál ba Ijiene Liman hodi rekoñese katak fase liman mak maneira efektivu liu ne'ebé ita bele foti hodi hamenus mikróbiu espalla no prevene infesaun, inklui COVID-19.
- MS, ho apoiu hosi OMS no Menzies School of Research, atualiza ona matadalan nasonál ba vijilánsia no jestaun ba kontaktu. Atu hahú utiliza dokumentu matadalan no hahú implementa vijilánsia sentinel ba COVID-19 ba munisípiu hotu, ekipa nain lima ne'ebé lidera hosi Laboratóriu Nasionál Saúde (LNS) sei hala'o treinamentu ba ofisiais no pesoál saúde iha munisípiu hotu no ospital referál lima hosi loron 1 – 4 Maiu.
- Nuudar parte ida hosi prontidaun no responde, governu, liuhosi konsultasaun ho parseiru sira (Governu Austrália, Organizasaun Mundiál Saúde Timor-Leste, Partnership for Human Development Timor-Leste, Maluk Timor no St John of God), identifika ona fatin foun balun nuudar facilidade ba izolamentu no tratamentu; fatin hirak ne'e inklui Centro Convenções Dili (CCD), Tibar no Lahane. Facilidade hirak ne'e sei hadia hodi kompleta kritériu atu sai hanesan facilidade izolamentu.
- Dezde fulan Janeiru, OMS fornese ona ka suporta ona treinamentu no sensitizasaun kona-ba aspetu oi-oin hosi COVID-19 hahú hosi treinamentu ba infesaun prevensaun no kontrolu, jestaun ba kazu no vijilánsia, no sira seluk tan. Sesaun sensitizasaun liuhosi 130 mak hala'o ona dezde fulan Janeiru to'o

SITUASAUN IHA NÚMERU

Totál no kazu (foun) iha Timor-Leste

24 konfirmadu (foun 0)

0 mate

(Bazeia ba dados ne'ebé públika iha [Centro Integrado Gestao de Crise](#))

Tuir pájina WHO Timor-Leste

[Facebook](#) no [Twitter](#) no [MS](#)

Ba informasaun klean liután no guia husi OMS kona-ba surtu atuál Moras Coronavirus – 2019 (COVID-19) bele asesu iha [ne'e](#).

SITUASAUN GLOBÁL

Totál kazu (foun) iha oras 24 nia laran

Globalmente

3 435 894 konfirmadu (**86 108**)

239 604 mate (**976**)


AVALIASAUN RISKU OMS

Nivel Globál Aas tebes

agora ne'ebé maka ema hamutuk 1500 mak partisipa ona iha sesaun ka treinamentu hirak ne'ebé foka liu ba COVID-19. Partisipantes hirak ne'e inklui pesoál saúde sira, funsionáriu governu, lider relijiozu no grupu relijiozu no institusaun, estudantes, funsionáriu embaixada, no comunidade sira. Sesaun sensitizasaun ikus liu mak ba Policia Nacional Timor-Leste (PNTL), and Forca Defeza Timor-Leste (FDTL).




Data notifikasaun kazu foun no kumulativu COVID-19 iha Timor-Leste



Source : Direcção Nacional Controlo de Doenças - Departamento Vijiilansia Epidemiologia

Situasaun Nasional Kazu : COVID-19 Timor-Leste

(Kumulative figures)



Source : Direcção Nacional Controlo de Doenças - Departamento Vijiilansia Epidemiologia

Sumáriu Global

OMS no European Investment Bank (EIB) sei aumenta tan sira-nia kooperasaun hodi haforsa saúde públiku, fornimentu ba ekipamentu esensiál, treinamentu, no investimentu iha nasaun sira ne'ebé vulneravel tanba pandemia COVID-19. Faze dahuluk sei responde ba nesesidade urjente no haforsa kuidadu saúde primáriu iha nasaun 10 iha Rejiaun Áfrika. Akordu ida ne'e estabelese servisu hamutuk hodi responde ba failansu iha merkadu no estimula investimentu iha saúde globál enjerál, no aselera progresu ba Kobertura Saúde Universal.

OMS TIMOR-LESTE NIA OBJETIVU ESTRATÉJIU

- Hapara transmisaun hosi ema-ba-ema inklui hamenus infesaun sekundáriu entre sira ne'ebé maka iha kontaktu besik no pesoál saúde sira, haforsa liután prevensaun transmisaun kazu;
 - Haforsa Sistema vijilánsia no aumenta kapasidade laboratóriu hodi detekta kazu COVID-19;
 - Garante katak halo tuir duni padraun ba infesaun prevensaun no kontrolu (IPC) ne'ebé rigoroza tebes no hasa'e kapasidade ba IPC nian;
 - Identifika, izola no kuidadu ba pasiente; inklui fornese mós kuidadu óptimu ba pasiente ne'ebé infetadu;
 - Halo sosializasaun ba informasaun risku no eventu ba comunidade hotu-hotu no hakotu informasaun la loos liuhosi servisu hamutuk ho parseiru sira.
 - Hamenus impaktu sosiál no ekonómiku liuhosi parseria multisetorál.
-

REKOMENDASAUN NO KONSELLU BA PÚBLIKU

Fase ita-nia liman bebeik

Fase ita-nia liman ho dezinfetante ka fase ho sabaun no bee

Tansá? Fase ita-nia liman ho sabaun no bee ka uza dezinfetante sei oho virus ne'ebé hela iha ita-nia liman.

Mantein distánsia fiziku

Mantein distánsia fiziku pelumenus metru 1 (pasu 3) distánsia hosi ita nian a'an no ema seluk.

Tansá? Wainhira ema me'ar ka fani sira bele hada'et mós ho been turuk ki'ik sai husi sira-nia inus kaibun ne'ebé dalaruma kontamina ho virus. Se ita besik loos ema ne'e, ita bele dada iis tama fali turuk been ne'e, inklui ho virus COVID-19 karik ema ne'ebé me'ar infetadu hela.

Evita ka'er ita nia matan, inus no ibun

Tansá? Ita-nia liman ka'er fatin barak no bele da'et virus ne'e. Bainhira kontaminadu ona, hosi liman bele transfere virus ba matan, inus ka ibun. Hosi ne'e, virus ne'e bele tama ba ita-nia isin no halo ita moras.

Prátika Ijiene Respiratóriu

Tenki asegura ita-boot, no ema ne'ebé besik ita, atu halo tuir ijiene respiratóriu. Ida ne'e signifika katak taka ibun, no inus ho liman sikun ka uza tixu bainhira me'ar or fani. Depois soe kedas tixu ne'e ba lixu fatin.

Tansá? Pártikula hada'et virus. Halo tuir ijiene respiratóriu, ita-boot sei proteje ema ne'ebé besik ita hosi virus hanesan inus metin, flu no COVID-19.

Se ita-boot isin-manas, me'ar no dada iis araska, buka lalais tratamentu

Hela iha uma bainhira moras. Se isin-manas, me'ar no dada iis araska, buka lalais tratamentu médiku no telefone uluk. Halo tuir instrusaun hosi autoridade saúde.

Tansá? Telefone antes sei permiti pesoál saúde sira atu bele direta ita-boot ba facilidade saúde ne'ebé loos. Ida ne'e sei ajuda proteje ita-boot no ajuda prevene hada'et virus no infesaun seluk.

Buka hatene informasaun no halo tuir konsellu ne'ebé pesoál saúde sira hatoo

Buka hatene nafatin informasaun ba dezvoltamentu ikus kona-ba COVID-19. Halo tuir konsellu ne'ebé ita-boot nia pesoál saúde sira hatoo, husi autoridade saúde nasionál no lokál, ka empregadór kona-ba oinsá atu proteje ita-nia aan no ho ema seluk husi COVID-19.

Tansá? Autoridade nasionál no lokál sei iha informasaun atualizadu kona-ba karik COVID-19 da'et iha ita-nia área. Sira maka fatin di'ak liu atu hetan konsellu kona-ba saida mak ita tenki halo hodi proteje aan.

Ba matadalan kona-ba medida preventiva seluk disponivel iha [ne'e](#).

Informasaun COVID-19 Information no kontaktu média:

- Ministériu Saúde estabelese ona número hotline – 119 – ba COVID-19 ne'ebé maka ema hotu-hotu bele telephone hodi hetan informasaun relasiona ho COVID-19
 - Alende ne'e, [Pájina Facebook MS](#) nian fornese atualizasaun loloos kona-ba dezvoltamentu COVID-19 iha rai laran
 - OMS Timor-Leste liuhosi nia [Pájina Facebook](#) no [Twitter](#) mós disemina informasaun kona-ba medida preventive, pergunta no resposta, *myth-buster* no atualizasaun ikus kona-ba COVID-19 iha mundu tomak no iha rai laran. Ba media no pedidu ba entrevista bele manda ba singhsho@who.int no hasane@who.int
-